

Namminersorlutik Oqartussani sulisunut ataasiaannartumik akissarsititsisarneq pillugu Kaajallaasitaq

1. Kaajallaasitami 29. marts 2023-meersumi § 2, imm. 5 naapertorlugu ilitersuummi makkuninnga aalajangersaasoqarpoq.

2. Kaajallaasitami § 2-mi aalajangersakkat naapertorlugit pisut ataasiartumik akissarsititsisarnermut tunngaviusut tamakkiisuunngillat. Pisut kaajallaasitami § 2 naapertorlugu ataasiartumik akissarsititsinissamut periarfissiissutaasinnaasut matumani assersuusiorneqarput.

Sulisumit nalinginnaasumik naatsorsuutigisat qaangerlugit immikkorluinnaq sulianik naammassisaqarsimanermi makku pineqarput:

1. Sulisup suliassamik isumaginninnermini immikkorluinnaq nutaaliorsinnaassuseqarnermik imaluunniit aaqqissuusaanermi suliassanut tunngatillugu eqaalluinnartumik sulisinnaanermik paasinninnermillu takutitsinera.

2. Oqartussaasup suliassamik pisariitsumik naammassinninnissaanut suleqatillu akornanni sulianik nuannarinnilersitsinissamut isumassarsititsinissamullu sulisup malunnaatilimmik peqataanermigut sulerusussuseqartoqassasoq.

Sulisumit nalinginnaasumik naatsorsuutigisat qaangerlugit immikkorluinnaq angusaqarsimaneq ima paasineqassaaq:

1. Sulisup tunisassiornissamut ineriartortitsinissamulluunniit anguniakkanik aalajangersagaasunik ajukkunnani angusaqarsinnaanissaa angusanik pilersitsinissami assersuutaasinnaapput.

2. Suliassami pineqartumi assut nalorninartoqarfiusumi suliassamiluunniit inuiaqatigiinnut pingaaruteqartumi ajornakusoortumilu suliassamut immikkut ittumut atatillugu angusaqarnissaa.

Suliassamik immikkut ittumik suliaraqquusaaneq qaangiuttoornermut pioreersumut uppersarsarneqartumullu qaangiinertut naliliisoqartillugu.

1. Piffissami aalajangersagaasumi suliassat naammassineqarnissaannik angusaqarnissaq pillugu immikkut tulleriiarineq tunuliaqutaralugu siunertaqarluni suliakkiisoqarsimatillugu.

2. Immikkut suliassinneqarneq sulisumut suliartoqquneqartussaataasumut tassaasinnaavoq immikkoortortami atorfinnik inuttaqanngitsoqarnerani sulinerunikkut pineqartup atorfik (nammineq atorfini) qaangerlugu pitsaasumik suliagarnerujussuusimanera.

3. Suliassinneqarneq piffissakkuutaartumik sivilisunerusumik pisinnaavoq, piffissat suliartortarfiit equngallutik ulluinnarni sungiusimasanut, kiisalu ullup unnuallu ingerlanerannut sunniuteqartumik.

Suliatigut qaffasissumik naammassisaqarneq ataasiartumik akissarsititsinissamut namminermini naammanngilaq, suliatigut qaffasissumik naammassisaqarnissaq pineqartumi isumaqatigiissutit naapertorlugit tapiissutitigut akissarsiaqartitsivioermata.

3. Ataasiaannarluni akissarsisitsinermi aningaasartuutit immikkoortorta qarfimmu aningaasartuutitulli allatut oqartussaaffigineqassapput. Tassa imaappoq ataasiaannarluni akissarsianut aningaasartuutit Aningaasanut inatsimmi aningaasaliissutissatut immikkoortinneqareersimasut eqqarsaatigalugit taamaallaat tunniunneqarsinnaasut. Tamatuma malitsigisaanik ataasiaannarluni akissarsianik ataasiarluni arlaleriarluniluunniit tunniussinerit ilassutitut aningaasaliissutissanik qinnuteqarnermut tunngavilersuutitut atorineqanngisaannassapput, toqqaannartumik toqqaanngikkaluamilluunniit.

4. Kaajallaasitami § 3, imm. 1-imut aamma § 4, imm. 1-imut ilassutigalugu akissarsiat amerlassusiisa tusindinut qaninnernut ilivitsunngortillugu tunniunneqassasoq erseqqissaatigineqarpoq. Taamaasilluni »qaammammut aningaasarsiat affaasa annertoqataanik« annertussusiliineq naammanngilaq. Kaajallaasitami siunertarineqartoq peqatigitillugu isiginiarneqassaaq, tamatumalu kingorna suleqatigiiffup immikkuullarissuuneranut immikkut ittumik ataqqinnittoqassaaq, taamaammallu immikkoortotami sulisut amerlassusaat 10 %-imik qaangertariaqassanatik.

5. Kaajallaasitami § 5, imm. 3 innersuussutigalugu allakkatigut inassuteqaat paasissutissanik tullinnguuttunik makkuninnga imaqqassaaq:

- akissarsiat tunniunneqarnerannut tunngavilersuutit, naggatip aappaa takuuk.
- akissarsiat amerlassusiat, naggatit sisamaat takujuk.
- sulisup aqqa
- sulisup atorfeqarfigisaa. Tassa immikkoortoq tigussaasoq oqaatigineqassaaq, assersuutigalugu Aningaasaqarnermut Naligiissitaanermullu Naalakkersuisoqarfik imaluunniit Asiaq. Taamaattumik "Namminersorlutik Oqartussat"-nik, "Qitiusumik allaffeqarfik"-mik ass. taamaallaat allanneq naammanngilaq.

6. Kaajallaasitami § 4, imm. 2-mi najukkami sulisut sinniisaannut tusarniaasoqassasoq aalajangersarneqarpoq, periarfissatut allatut sulisunut sinniisuunermut. Aalajangersakkami lsumaqtigiissitanut lsumaliogatigiissitamit siunnersuutit malinneqarput taamaattumillu aqutsisup qaninnerup inassuteqaammik suliaqarnermini najukkami sulisunut sinniisoq allakkatigut tusarniartussaavaa. Sulisunut sinniisoq tusarniaanermut peqataasinnaangippat tusarniaanermi sinniisussaq imaluunniit sulisunut ataatsimut sinniisoq attuumassuteqartoq peqataasinnaassaaq.

Sulisut sinniisaat il.il. attuumassuteqartoq suiffeqarfimmu sulisup akissarsiat/tjemestemandiuneq pillugit peqataasoq sinniisuuffigissavaat. Sulisut sinniisaat kinaanersoq pillugu nalornisoqartillugu sulisup pineqartoq attaveqarfigineqarsinnaavoq

Sulisut sinniisaat aalajangiisuusumik sunniuteqanngilaq aamma inassuteqaat pillugu allakkatigut taamaallaat saqqummiussaqaarsinnaavoq. Taamaattumik tusarniaassut allaganngorlugu nassuunneqartariaqarpoq. Tamanna ilaatigut tusarniaanermik uppersaasatit qulakkeernerisigut pissaaq. Sulisut sinniisaata suliffimmi pitsaasumik inuuneqarneq aamma najukkamik nalinginnaasumik eqqarsaatiginninnissat attuumassuteqartut sulisut sinniisaata oqaaseqarfigisinnaassagai siunertarineqarpoq. Sulisut sinniisaat oqaaseqaateqarsinnaanissaminut piareersarnissaminut piffissaliiffigineqartariaqartarpoq. Siumut nalunaarnissaq eqqortoq tassaasinnaavoq ullut tallimat, kisianni najukkani pissutsit eqqarsaatigineqartariaqarmata piffissaliussaq sivitsorneqarsinnaassaaq.

Toqqakkamik sulisunut sinniisoqanngippat, sinniisussaqanngippat imaluunniit sulisunut ataatsimut sinniisoqanngippat tusarniaaneq mininneqarsinnaavoq. Allattoqarnissaanik piumasaqaat e-mailikkut allaffeqatigiinnerni naammasineqarsinnaavoq taannalu iluaqutaasumik suliaasamut sulisumut attuumassuteqartumut, ataasiaannarluni akissarsisitsinissaq pillugu inassuteqaatip assilineqarneranik ilallugu, ilanngunneqarsinnaavoq.

7. Inassuteqaat aqutsisumit qaninnerpaamit atsiorneqassaaq aamma § 4, imm. 3-6-it naapertorlugit Qitiusumik allaffeqarfimmi atorfilinnut, tassunga ilanngullugit pisortat suliffeqarfutaanni inissisimasut, Naatsorsueqqissaartarfik Nunattalu Nakorsaaneqarfia, inassuteqaat Naalakkersuisoqarfimmi

pisortaasumit aamma Aqutsisoqarfimmi pisortaasumit akuerineqassaaq. Pinngortitaleriffimmi, Nunatta Katersugaasiviani Allagaateqarfianilu aamma suliffeqarfiit tapiiffigineqartartuni atorfilinnut tunngatillugu inassuteqaat suliffeqarfimmi aqutsisumit qullersaasumit akuerineqassaaq.

Inassuteqaat sulisumit inaarutaasumik atsiorneqarsimassaaq, sulisup atsiornermigut matuma qulaaniittut avammut saqqummiussinissaq akuersaarlugu uppersarsassavaa.

8. Inassuteqaat inaarutaasumik akuerineqareerpat aamma sulisumit atsiorneqareerpat imm. 5 naapertorlugu inassuteqaat tamakkiisoq suliffigisap intranetiatigut tamanut saqqummiunneqassaaq. Tamanut saqqummiussinermut akisussaasoq tassaavoq immikkoortortaqarfik inassuteqaateqartoq. Aalajangersagaq pinngitsoorani malinneqartussaavoq.

Qitiusumik allaffeqarfimmut, Naatsorsueqqissaartarfimmut aamma Nunatta Nakorsaaneqarfianut tunngatillugu Nanuaqqakkut tamanut saqqummiussisoqassaaq. Suliffeqarfiit sinnerinut tunngatillugu immikkoortortaqarfimmi inassuteqartumi nalinginnaasumik intranetikkut tamanut saqqummiussisoqassaaq, periarfissatut allatut ataatsimut attaveqatigiinnernut isaaffikkut. Kingullertut taaneqartumut tunngatillugu immikkoortortaqarfimmi inassuteqartuusumi tamanut saqqummiussap kingulissatsinnit ingerlaavartumik pissarsiarineqarsinnaanissaa qulakkeerneqassaaq – taamaalilluni e-mailikkut imaluunniit piffissami killilimmi ataatsimut allagarsiivimmi assigisaaniluunniit piffissami killilimmi pissarsiarineqarsinnaanera naammanngilaq.

Qitiusumik allaffeqarfimmi, Naatsorsueqqissaartarfimmi aamma Nunatta Nakorsaaneqarfiani immikkoortortaqarfiani inassuteqaat tamakkiisoq aamma sulisup aqqa/atorfeqarfia mailikkut malinnaatitsissutikkut imm. 5 naapertorlugu uunga nassiunneqassaaq info@nanog.gl tassanilu Nanuaqqakkut uku ataanni tamanut saqqummiunneqassalluni Organisation > Engangsvederlag > [ukioq pineqartoq]. Digitalimik Sullissinernut Aqutsisoqarfimmit Aningaasaqarnermut Sulisoqarnermullu Aqutsisoqarfimmut Nanuaqqami paasissutissat inissisimaffisa allanngornerat kingusinerusukkut nalunaarutiginnittoqassaaq, tamatuma kingorna ilitersuut taanna nutarterneqassaaq.

9. Kaajallaasitami § 6 naapertorlugu immikkut illuinnartumik pisoqartillugu pisortaq immikkut ittumik ataasiaannarlugu akissarsisinneqarsinnaavoq. Taamaattorli kaajallaasitaq aallaavittut sulisup immikkut ittumik suliniuteqarnera pillugu akissarsisinneqarnissaa siunnerfigineqartartoq oqaatigineqassaaq. Inassuteqaatip imarisaa pisortamit immersugassaaq sulisutillu immersorneqarnissaanik piumasaqaatitaqarpoq. Imm. 4 aamma 5 innersuussutigineqarput. Inassuteqaat atorsinnaasoq Naalakkersuisoqarfimmi pisortamut qaninnerpaamit atsiornermik ilaqartinneqassaaq. Assersuutigalugu Nunatta Nakorsaaneqarfiani pisortamit inassuteqaat Peqqissutsimut Naalakkersuisoqarfimmi pisortap atsiorneranik ilaqartinneqassaaq. Tamatuma kingorna Naalakkersuisup Siulittaasuata Naalakkersuisoqarfiani pisortap atsiornerata akuerineqarneratigut inassuteqaat akuerineqassaaq.

10. Aningaasaqarnermut Sulisoqarnermullu Aqutsisoqarfimmi immikkoortortaqarfimmi inassuteqartuusumi akissarsianik aqutsinerit isumagineqarpata inassuteqaat akuerisaq akileqqullugu Aningaasaqarnermut Sulisoqarnermullu Aqutsisoqarfimmut nassiunneqassaaq personale@nanog.gl.

Immikkoortortaqarfinnit inassuteqaatit akuerineqarsimasut, tamatumani Aningaasaqarnermut Sulisoqarnermullu Aqutsisoqarfimmi akissarsianik aqutsineq isumagineqanngippat, akissarsianut immikkoortortaqarfimmut atorneqartumut nassiunneqassapput.

Immikkoortortaqarfik inassuteqaateqartoq inassuteqaammik akuerisamik akissarsianik aqutsinermut immikkoortortamut attuumassuteqartumut nassiunneqartumut akisussaasuvoq.

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut